




丹溪心法附餘卷之十一

火門

火四十三

附風熱

丹溪心法

○火陰虛火動難治 火鬱當發者何經 輕者可降重者則從其性而升之 寔火可瀉黃連解毒湯之類 虛火可補 小便降火最速 凡氣有餘便是火不足者是氣虛 火急甚重者必緩之以生甘草煎瀉兼緩參朮亦可 人壯氣實火盛顛狂者可用正治或硝黃冰水之類 人虛火盛狂者以生姜湯與之若投冰水正治立死有補陰即火自降炒黃柏生地黃之類 凡火盛者不可驟用涼藥必兼溫散有可發者二風寒外來者可發鬱火可發氣從腳下起入腹如火者乃虛之極也 氣從左邊起者乃肝火也 氣從臍下起者乃陰火也 蓋火起於九泉之下多死一法用附子末津調塞湧泉穴以四物湯加降火藥服之妙 陰虛証本難治用四物湯加炒黃柏降火補陰 龜板補陰乃陰中之至陰也 四物加白馬脰骨降陰中火可代黃連黃芩黃連黃芩梔子大黃黃柏降火非陰中之火不可用 生甘草緩火邪木通下行瀉小腸火 人中白瀉肝火須風露中二三年者 人中黃大涼治疫病須多年者佳中氣不足者味用甘寒 山梔子仁大能降火從小便泄去其性能屈曲下降人所不知亦能治痞塊中火邪

入方

左金丸 治肝火 一名回令丸

黃連 六兩 吳茱萸 一兩 或半兩

右為末水丸或蒸餅丸白湯下五十丸

足

火門

附諸賢論

劉宗厚曰火之為病其害甚大其變甚速其勢甚彰其死甚暴何者蓋能燔灼焚燬飛走狂越消鑠於物莫能禦之遊行乎三焦虛寔之兩途曰君火也猶人火也曰相火也猶龍火也火性不妄動能不違於道常以稟位聽命運行造化生存之機矣夫人在氣交之中多動少靜欲不妄動其可得乎故凡動者皆屬火化火一妄行元氣受傷勢不兩立偏勝則病移害他經事非細故動之極也病則死矣經所謂一水不勝二火之火出於天造君相之外又有厥陽臟腑之火根於五志之內六欲七情激之其火隨起蓋大怒則火起於肝醉飽則火起於胃房勞則火起於腎悲哀動中則火起於肺心為君主自焚則死矣丹溪又啓火出五臟主病曰諸風掉眩屬肝火動之類經所謂一水不勝五火之火出自人為又考內經病機一十九條內舉屬火者五諸熱瞀瘈皆屬於火之類而河間又廣其說火之致病者甚多深契內經之旨曰諸病喘嘔吐酸暴注下迫轉筋小便渾濁腹脹大鼓之有聲如鼓癰疽瘍疹瘤氣結核吐下霍亂瞀瘈腫脹鼻塞鼽衄血溢血泄淋悶身熱惡寒戰慄驚惑悲笑謔妄衄衄血汚此皆少陰君火之熱乃真心小腸之氣所為也若瞀瘈暴瘖冒昧操擾狂越罵詈驚駭肘腫疼酸氣逆衝上禁慄如喪神守噤嘔瘡瘍喉痺耳鳴及聾嘔滿溢食不下目昧不明暴 睵瘈暴病暴死此皆少陽相火之熱乃心包絡三焦之氣所為也是皆火之變見為諸病也為脉虛則浮大實則洪數藥之所主各因其屬君火者心火也可以溫服可以水滅可以直折惟黃連之屬可以制之相火者龍火也不可以水溫折之從其性而伏之惟黃柏之屬可以降之噫瀉火之法豈止如此虛寔多端不可不察臟司之黃連瀉心火黃芩瀉肺火芍藥瀉脾火柴胡瀉肝火知母瀉腎火此皆發寒之味能瀉有餘之火耳若飲食勞倦內傷元氣火不兩立為陽虛之病以甘溫之剷除之如黃芪人參甘草之屬若陰微陽強相火熾盛以乘

陰位曰漸煎熬為血虛之病以甘寒之劑降之如當歸地黃之屬若心火亢極鬱熱內寔為陽強之病以鹹冷之劑折之如大黃朴硝之屬若腎水受傷真陰失守無根之火為陰虛之病以壯水之劑制之如生地黃玄參之屬若右腎命門火衰為陽脫之病以溫熱之劑濟之如附子乾姜之屬若胃虛過食冷物抑遏陽氣於脾土為火鬱之病以升散之劑發之如升麻葛根之屬不明諸此之類而來火之為病施治何所依據故於諸經集畧其說備處方之用庶免寔寔虛虛之禍也

附脉理

脉理提綱曰火脉洪數虛則浮

附諸方

九味羌活湯 治春夏秋非時感冒風寒發熱惡寒頭疼項強或無汗或有汗以代桂枝麻黃青龍各半湯治太陽經表熱之神藥也此湯非獨治四時風寒春可治溫夏可治熱秋可治溼治雜証亦有神也

六神通解散 治時行三月謂謂之晚發頭痛身熱惡寒脉洪數先用九味羌活湯不愈後服此湯

○已上二方發散風寒表熱之劑

東垣瀉陰火升陽湯 治肌熱煩熱面赤食少喘咳痰盛

羌活 甘草 黃芪 蒼朮 升麻 柴胡 人參 黃芩 黃連 石膏 石膏

各一兩

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

各一錢

右咬咀每服一兩或半兩水煎此藥發脾胃火邪又心膽肝肺膀胱藥也瀉陰火升發陽氣者也

升陽散火湯 治男子婦女四肢發熱肌熱筋痺熱骨體中熱發困熱如燎門之烙手此病多因血

虛而得之或胃虛過食冷物抑遏陽氣於脾土火鬱則發之

升麻 葛根 獨活 羌活 防風 柴胡 甘草 人參 白芍 甘草

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

各半兩

右咬咀每服半兩或一兩水煎熱服

地骨皮散 治渾身壯熱脉長而滑陽毒火熾發渴

地骨皮 茯苓各半兩 柴胡 黃芩 生苾 知母各一兩 石膏 二兩 羌活 麻黃各七錢半有汗並熾之

右咬咀每服一兩入姜煎

○已上三方升麻鬱火表熱之劑

小柴胡湯見傷寒

柴胡飲子 治解一切肌骨蒸積熱作發寒熱往來表熱裏和則發寒裏熱表則發寒裏熱表則發寒邪熱半在

表半在裏出入進退無時即寒熱往來陰陽相勝也蓄熱寒戰表之陽和正氣與邪熱并蓄於裏脉道不行故身冷脉絕寒戰而久煩渴也及傷寒發汗不解或中外諸邪熱口乾煩渴或下後熱未愈汗後勞復或骨蒸肺痿喘嗽婦人餘疾產後經病

柴胡 人參 黃芩 甘草 大黃 當歸 芍藥各半兩

右為末每服抄三錢水一盞生姜三片煎至七分溫服日三服病熱甚者加服之

防風當歸飲子宣明方 治脾腎真陰損虛肝心風熱鬱甚陽勝陰衰邪氣上逆上實下虛怯弱不耐

或表熱而身熱惡寒或裏熱而躁熱煩渴或邪熱半在表半在裏進退出入不已而為寒熱往來或表多則惡寒或裏多則發熱或表之陽分陽和止氣與邪相助并甚相裏畜熱極深而外無陽氣裏熱極甚陽極似陰而寒戰腹滿煩渴者或裏之陰分正氣反助邪氣并甚於表則躁熱煩渴而汗出也或邪熱壅塞者或煩熱而痛者或熱結極甚陽氣不通而反覺冷痛或中外熱鬱煩躁甚喜涼畏熱者或熱極閉塞不得宣通陽極似陰中外喜熱而反畏寒者或躁熱煩渴者或溼熱極甚而腹滿不渴者或一切風熱壅滯頭目昏眩暗風眼黑偏正頭痛口乾鼻塞耳鳴及聲咽噎

不利或目赤腫痛口瘡舌痺或上氣痰嗽心脇鬱痞腸胃燥澀小便溺淋悶或是皮膚癢痒手足麻痺又或筋脉拘急支軀倦怠或渾身肌肉跳動心忪驚悸或口眼喎邪語言蹇澀或狂妄昏惑健忘失志及或腸胃燥熱悌鬱而肌不欲食或溼熱內餘而消穀善肌然能食而反瘦弱或誤服燥熱毒藥及妄食熱物過多而耗損脾腎則風熱鬱甚而多有如此不必全見也無問自病及中燥熱毒藥所使者並宜宣通氣血調順飲食久服之舊病除去新病不生設虛人常服補益功驗自可矣

防風 當歸 白芍 柴胡 黃芩 人參 甘草 大黃 各一兩滑石 六兩

右停每服三錢至五錢水一大盞生姜三片同煎至七分去渣溫服

○廣按此方用大黃瀉陽明之溼熱從大便出用滑石降三焦之妄火從小便出用黃芩以涼腸柴胡以解肌防風以清頭目用人參甘草以補氣當歸芍藥以補血瀉心肝之陽補脾腎之陰而無半味辛香燥熱之謬藥真治風熱燥熱溼熱挾虛之良劑非聖於醫者其能如是也耶

溫熱病汗下俊餘熱未退用此尤妙

○已上三方和鮮半表半裏熱之劑

大柴胡湯 方見傷寒

防風通聖散 方見中風

○已上二方發攻表裏之劑

調胃承氣湯

小承氣湯

大承氣湯並見傷寒

三一承氣湯見溫熱

○已上四方攻下裏熱之劑

清心湯 即涼膈散料內加黃連五錢用蜜與竹葉同煎

連翹 山梔子 大黃 薄荷葉 黃芩銕五甘草半兩朴硝二錢五分加黃連半兩

右為細末每服五錢水一盞蜜少許竹葉十片同煎七分溫服

洗心散和刺方治風壅痰滯心經積熱口舌唇燥眼流多淚大便秘結小便赤澀

白朮一兩半麻黃和節當歸去芦洗荆芥穗 芍藥 甘草 大黃麴裏煨去麴切煨八錢

右為末每服二錢水一盞生薑薄荷各少許同煎溫服

人參瀉肺湯秘方治肺經積熱上喘咳嗽腦脇脹滿痰多大便澀滯

黃芩 梔子 枳殼 甘草炙薄荷 連翹 杏仁炒去皮桑白皮炒大黃 桔梗炒各等分

右吹咀每服一兩水二盞煎至一盞去滓食後通口服

黃連去芦黃芩去腐大黃煨各等分

右吹咀每服四錢水一盞煎至七分空心服

三黃丸和刺方治男子婦人三焦積熱咽喉腫閉心膈煩燥小便赤澀大便秘結並宜服之

黃連去芦黃芩去土大黃煨各半兩

右為末煉蜜丸如梧子大每服四十九丸熱水吞下

一方用腦麝為衣丸如豆大夜間噙化一丸亦好

含化三黃丸 治症同前 見喉痺

大金花丸宣明方治中外諸熱寢汗咬牙時語驚悸溺血淋閉咳衄血瘦弱頭痛并骨蒸肺痿喘嗽

去大黃加梔子名曰梔子金花丸又曰既濟解毒丸

黃連 黃柏 黃芩 大黃 各等分 自利去大黃加梔子

右為末滴水丸如小豈大每服二三十九丸新汲水下

四生丸 宣明方 治一切熱痰常服潤肌膚諸熱証皆可服

大黃 牽牛 皂角 各二兩 朴硝 半兩

右為末滴水丸如梧子大每服三十九丸食後白湯下

黃連解毒湯 宣明方 治傷寒雜病熱毒煩燥乾嘔口渴喘滿陽厥極深蓄熱內甚 方見溫熱

黃連湯 聖惠方 治一切積熱血熱腹熱酒熱並用

黃連淨不拘多少并水浸之良久碗盛於鍋內煮取清汁服之

○廣按書云寒因熱用熱因寒用何也蓋積熱用寒藥以治之痼冷用熱藥以治之恐相違逆如黃連用姜汁制酒制如附子用蜜制童便制是也此方既用一味黃連又用井水浸之不無太過乎以酒代之庶乎妙矣

神芎丸 宣明方 治三焦積熱風痰壅滯頭相腫或生瘡癰咽膈不利或腸胃結燥小便赤澁大便閉

塞一切熱証並宜服之

大黃 生黃芩 各二兩 牽牛 生滑石 各四兩 黃連 薄荷 川芎 各半兩

右為末滴水丸如梧桐子大每服五十九丸溫水食後下

解毒丸 通玄方 治中外諸邪熱毒癰腫瘡疽筋脉拘攣咬牙驚悸一切熱毒並宜治之

大黃 黃連 黃芩 山梔子 牽牛 滑石 各半兩

右為末滴水丸如梧子大每服三四十丸溫水送下此即黃連解毒湯神芎丸合方也

全真丸 聖惠方 治臟腑積熱洗滌腸垢潤利燥澁鮮風毒攻症手足浮腫或頑痺不仁痰涎不利涕

足十餘心六寸餘

火門

四

噤稠粘胸膈痞塞臍腹脹滿飲食減退少困倦無力

川大黃換取三兩用米泔水浸過三日用黑牽牛用四兩同取頭末四兩

右以皂角一兩輕炒去皮子水一大碗浸一宿入蘿蔔一兩切作片子同皂角一處焚至半碗去滓再熬至二鍾攪和上件藥末乾溼調勻丸如梧子大每服二三十丸至五六十丸諸飲下隨証加減以利為度

平胃散三因方治胃經寔熱口乾舌裂大小便秘澀及熱病後餘熱不除蓄於胃中四肢發熱無汗

厚樸去炮射干升麻茯苓芍藥各一兩枳殼去穢麩炒大黃甘草各一兩

右咬咀每服四錢水一盞煎至七分去滓空心熱服

八王散 治大人小兒心經蘊熱咽乾口燥目赤睛痛臟腑秘結小便赤澀方見淋瀝

○已上諸方治三焦鬱火寔熱之劑

黃芩湯 治心肺蘊熱口瘡咽痛膈悶小便淋濁不利

澤瀉 梔子仁 黃芩 麥門冬去心木通 生地黃 黃連 甘草各等分

右咬咀每服一兩水二盞生薑五片煎至一盞食前溫服

清心丸 治經心中火邪夢漏心忪恍惚口瘡咽燥

黃栢生三兩龍腦三錢

右為末蜜丸梧子大每服十丸臨煎麥門冬湯下

碧雪和劑方治一切積熱口舌生瘡心煩喉閉

芒硝 青黛 石膏各研末寒水石 朴硝 滑石 甘草煎湯二升馬牙硝各等分

右將甘草湯入諸藥末再煎用柳木篦不住手攪令消溶入青黛和勻傾沙盆內候冷凝結成霜

研為末每用少許含化津嚥如喉閉不能嚥用竹筒吹藥入喉中

玄明粉御藥院方此藥大治邪熱所干膈上氣滯臟腑秘澁並宜服之以朴消煎過澄濾五七遍至

夜於星月下露至天明自然結作青白塊子用磁罐子按寔於炭火內從慢至緊自然成汁煎滲直候不響再加頂火一煨便取出於淨地上倒下用盆合蓋了以去大毒然後研為細末每二斤入甘生熟二兩為末一處攪勻臨時斟量用之或一錢二錢以桃花煎湯或葱白湯下

白虎湯 治氣熱見溫熱

四順清涼飲 治血熱見風熱

薄荷煎御藥院方治口舌生瘡痰涎壅塞咽喉腫痛

薄荷一兩取川芎半兩取腦子半兩取砂仁半兩取

右為末入腦子和勻煉蜜成劑任意嚥嚼和刺方無腦子有桔梗

天竺散經驗方治臟腑積熱煩燥多渴口舌生瘡咽喉腫痛

山梔子去殼連翹銹甘草三錢雞冠雄黃半錢瓜蒌一兩鬱金用皂角水煮熟切片焙乾三錢

右為末每服一錢食後臨睡新汲水調下

清氣散本事方治氣壅痰涎上膈煩熱

枳殼 川芎 柴胡 前胡 茯苓 甘草 獨活 羌活 青皮 白朮 人參各等分

右為末每服二錢水一鍾荆芥一穗煎七分服

龍腦飲和刺方治蘊積邪熱咽喉腫痛心煩鼻衄及痰熱咳嗽中暑煩躁傷寒餘毒發熱並宜用之

縮砂仁 瓜蒌根各三兩石膏四兩藿千葉二兩四錢甘草六兩梔子仁十二兩

右為末每服二錢用新汲水入蜜調下

傷寒餘毒潮熱虛汗除蜜入竹青煎服

龍腦雞蘓丸和刺方消煩渴涼上膈解酒毒除邪熱并治咳嗽唾血吐血諸淋下血胃熱口臭肺熱

喉腥脾熱口甜膽熱口苦並宜服之

黃耆去芦一兩麥門冬去心四兩阿膠炒蒲黃炒各二兩人參去芦一兩生乾地黃六兩另

甘草兩半木通柴胡兩同柴胡銀州者二兩宿取汁為膏雞蘓淨葉一斤即薄荷

右除別研藥外並搗為末將好蜜二斤先煉一二沸然後下生乾地黃末不住手攪令勻取木通

柴胡汁慢火熬成膏勿令焦然後將其餘藥末同和為丸如黃豆大每服二十九丸嚼破熱水下虛

煩消渴驚悸人參湯下咳嗽唾血鼻衄吐血麥門冬煎湯下惟淋用車前子煎湯下

甘露飲和刺方治胃中客熱牙宣齰腫咽膈乾燥吐氣腥臭或胃經受溼伏熱在裏身黃如疸亦能治之

枳殼去油石斛去毛枇杷葉淨去毛甘草乾熟地黃黃芩天門冬焙去心麥門冬焙去心山茵陳地黃

右咬咀每服三錢水一鍾煎至七分食後溫服

滋腎丸拔粹方治不渴小便閉邪熱在血分也

知母二兩酒浸陰乾肉桂一錢半黃蘗一兩細剉酒拌炒陰乾

右知母黃栢氣味俱陰以同腎氣故能補而瀉下焦火也桂與火邪同躰故曰寒因熱用凡諸病

在下焦皆不渴也熟水為丸百沸湯下

○已上諸方治三焦鬱火虛熱之劑

○風熱新增

附諸方

定風餅子簡易方治風客陽經邪傷腠理皆贅淫直言語蹇澁躰熱惡寒痠厥頭痛肉瞤筋惕手顫

鼻淵及飲酒過多嘔吐涎沫頭目眩暈常服消風去邪

見傷風

追風散和刺方治諸風上攻頭疼目眩鼻塞聲重皮膚癢癢痒眉角牽引婦人血風一切頭風並治之

白僵蚕去絲荆芥二石膏烏炮去皮防風去芦全蝎炒川芎三麝香甘草炙

右為末每服半錢食後臨卧茶調下

荆芥丸楊氏方治一切風邪上攻頭目咽膈不利或傷風發熱頭疼鼻塞聲重並宜治之見傷風

養氣丹和刺方治諸虛百損真陽不固上寔下虛氣不升降或咳嗽或喘促一切脉虛氣弱之人婦人血海冷墮諸証並宜服之

禹餘糧欲煨七次紫石英火煨七次磁石火煨七次赤石脂如前代赭石火煨醋淬七次一斤

已上五石各以水再研挹其清者置之紙上用竹篩盛之滴水候乾各用瓦瓶盛貯以鹽水紙筋和泥固濟陰乾以硬炭五十斤分作五處煨此五藥以紙灰蓋之火盡再煨如此三次埋地穴內兩日出火毒再研細入後藥

肉蓯蓉酒洗浸一宿破故紙炒附子炮一茴香炒丁香木香不見肉桂去山藥巴戟去心

肉豆蔻麩裹煨鍾乳粉另研鹿茸酥炙當歸酒浸一宿焙乾沉香白茯苓去皮遠志去心

沒藥去砂別研陽起石煨別研五靈脂別研乳香別研朱砂別研各一兩

右入前藥同研極勻用糯米糊為丸每兩作五十九陰乾入布袋內擦令光瑩每服二十九空心溫酒姜鹽湯任下婦人用艾醋湯下

養正丹和刺方治上盛下虛氣不升降元陽虧損氣短身羸及中風涎潮不省人事傷寒陰盛自汗

唇青婦人血海久冷並治之

水銀黑錫去痒淨與水銀結砂子硫黃研朱砂研細各一兩

右用黑蓋一隻火上溶黑鉛成汁次下水銀以柳條攪次下朱砂攪令不見星子放下少時方入硫黃末急攪成砂和勻如有酸以醋酒之候冷取出研極細者糯米糊為丸如菜豆大每服三十粒鹽湯棗湯任下

○廣昔年初見養氣丹養正丹出證曰治諸虛百損真陽不足上竇下虛氣不升降一切肺弱氣虛之人並宜服之云者予以為補虛益損之劑無出於此後觀本草集要曰熱中消中不得服芳草石藥夫芳草之味美石藥之氣悍云云予則於此二丹所用石藥不能不致疑焉及觀七方十劑之目石藥乃為重劑重可以去怯其疑方纔釋也何以言之夫肺弱氣虛之人稠痰鬱火膠固於膏臆之間非石藥之氣悍而能開散之乎蓋石藥所以去病邪病邪退而正氣自復正猶石灰所以殺狼莠死而禾苗自茂也石藥非補人之藥亦猶石灰非肥田之物養氣丹內有菟蓉鹿茸當歸等藥庶乎有補而養正丹全是金石之藥何補之有哉觀者詳焉

○已上諸方辛溫發散之劑

清風散 和劑方治諸風上攻頭目昏眩項背拘急鼻嚏聲重耳作蟬鳴及皮膚頑麻癢痒癰疹婦人

血氣風頭皮腫痒並治之 見傷風

入風散 和劑方治風氣上攻頭目昏眩肢體拘急皮膚癢痒癰疹成瘡及治寒熱不調鼻塞聲重

藿香 去土半斤 白芷 前胡 各半斤 黃耆 去土半斤 甘草 炙 人參 去土半斤 羌活 去土半斤 防風 去土半斤 各三斤

右為末每服二錢水一盞入薄荷少許煎湯調下食後服清茶亦可

清神散 和劑方消風化痰治頭目眩暈耳聾鼻塞咽嗑不利

檀香 兩 人參 去土半斤 羌活 去土半斤 石膏 兩 薄荷 去土半斤 荆芥 兩 甘草 炙 二 防風 去土半斤 細辛 去土半斤 各五兩

右為細末每服二錢食後沸湯點服或入茶末尤妙

四生散和劑方治男子婦人肝腎風毒上攻赤眼痒痛羞明多淚及下注脚膝生瘡遍身風癬兩耳內痒服之尤效

黃耆 川獨活 蒺藜沙苑者 白附子

右等分為細末每服二錢薄荷酒調下如腎臟風下疰生瘡以猪腰子批開入藥末二錢在內合定裹煨熟空心細嚼用鹽湯下

川芎茶調散和劑方治諸風上攻頭目昏眩偏正頭疼腦疼鼻塞聲重

大辰砂丸御藥院方清頭目化痰涎及感冒風寒鼻塞聲重頭目昏眩項背拘急皮膚瘙癢痒並宜服之見傷風

防風散楊氏方治頭目不清去風明目

防風 川芎 白芷 甘菊花 甘草

右等分為末每服二錢食後荆芥湯調下

追風散瑞竹堂方治白癱風

何首烏 荆芥穗 苦參 蒼朮 米泔水浸一宿焙乾各等分

右件為細末好肥皂角三斤去皮弦入磁器內熬為膏和為丸如梧桐子大每服三五十丸空心酒茶任下忌一切動風之物

胡麻散和劑方治脾肺風毒攻衝遍身皮膚瘙癢或生瘡疥或生癰疹用手搔時浸淫成瘡久而不

差愈而復作面上遊風或如虫行紫白癰頑麻或腎臟風攻生瘡並宜服之見癰疹

四神丸經驗方治手足頑麻痰涎壅盛頭目昏眩肩背拘急見痰熱

芎朮湯御藥院方清神爽志祛風消蘊治頭目昏痛鼻塞聲重

川芎 二兩半 白朮 一兩七錢五分

右咬咀每服八錢水一盞半姜五片煎至八分去滓溫服食後或為細末白湯點服亦得

天麻散宣明方治頭項痛頭面腫拘急風傷衛發躁熱

川芎 苦參 地骨皮 細辛 威靈仙 何首烏 薄荷葉 蔓荊子 菖蒲 杜蒺藜

牛旁子 蛇蛻草 荊芥穗 防風已上各半兩 天麻一兩 甘草炙二兩

右為末每服三錢用蜜水調下茶酒任下不拘時

防風天麻散宣明方治風麻痺走注肢節疼痛中風偏枯或暴瘖不語內外風熱壅滯并解見中風

消毒犀角飲 治大人小兒內蘊邪熱痰涎壅滯或腮項結核遍身瘡癰並宜治之見斑疹

一方 治風熱結滯或生瘡癰及金石發熱小腸等熱

用桑椹不拘多少微研以布絞去粗以瓦器熬稀膏量多少入蜜再熬成稀膏盛于磁器中每服

一二匙食後臨臥以沸湯點服

○已上諸方辛平發散之劑

上清散 治上焦熱耳鼻壅塞頭目不清

川芎 荊芥穗 薄荷葉各五錢 樸硝 石膏 桔梗各一兩

右為細末每服一字口噙水鼻內搗之加龍腦三分妙

上清丸 治口舌生瘡咽喉腫痛咳嗽煩熱能清聲潤肺寬膈化痰爽氣寧神

百藥煎 薄荷四兩 各縮砂兩 一片腦錢 玄明粉 甘松 桔梗 柯子 礪砂各五錢 寒水石

右為細末甘草熬膏為丸如梧桐子大每服一丸噙化或嚙三五丸茶湯下

龍腦丸宣明方治大人小兒一切蘊熱毒氣不散口舌生瘡咽喉腫痛及失音癰疹

龍腦 朱砂 礪砂 牛黃各等分

右為末黃蠟為丸如米粒大每服三五丸浸甘草人參湯送下
龍腦川芎丸御藥院方消風化滯除熱消痰通利七竅爽氣清神

桔梗半兩片腦六錢縮砂仁二錢白豆蔻五錢薄荷去土五錢川芎三錢防風去芦甘草各一兩

右為末煉蜜為丸每兩作二十九丸每服二丸細嚼茶清送下

當歸龍腦丸宣明方治腎水陰虛風熱蘊積時發驚悸筋惕搦神志不寧榮衛壅滯頭目昏眩肌

肉瞤瘵胸膈痞塞咽嗝不利腸胃燥澀小便溺悶筋脉拘急肢體痿弱暗風痼疾小兒急慢驚風

常服宣通血氣調順陰陽病無再作

當歸焙草龍膽山梔子黃連黃蘗黃芩各一兩大黃蘆薈青黛各五錢木香二錢麝香半錢別研

右為末蜜煉和丸如小豆大小兒如每服二十九丸生薑湯送下忌發熱諸物兼服防風通聖散

羌活散和劑方治風氣不調頭目昏眩痰涎滯壅遍身拘急及風邪壅滯頭痛項強鼻塞聲重肢節

煩痛天陰風雨預覺不安見傷

羌活丸 治症同前

旋覆花湯御藥院方治風熱則面生赤瘰子腦昏目疼鼻塞聲重面上遊風狀如虫行忌豬肉麤

旋覆花土人參柴胡去芦赤茯苓去皮藥去皮黃芩去皮枳實麩炒甘草各二兩

右咬咀每服一兩水一盞半生薑五片煎至八分去滓食後溫服

通關散御藥院方治風熱上攻頭目筋脉拘急痰涎壅踐肢節煩疼

羌活去芦獨活去芦防風去芦天麻去芦山梔子大黃各一兩滑石二兩甘草一兩

右咬咀每服八錢水一盞半生薑五片煎至八分食後溫服

仙木芎散宣明方治風熱壅塞頭目昏眩及明耳目消痰飲清神

川芎 連翹 黃芩 山梔子 菊花 防風 大黃 當歸 芍藥 桔梗 藿香葉各五錢

蒼朮 石膏各一兩 甘草 荊芥穗 滑石 薄荷葉 縮砂仁各二錢五分

右咬咀每服三錢水一盞煎至七分食後通口服

川芎石膏湯 治風熱上攻頭目眩痛咽乾煩渴

防風通聖散 治風熱諸証總劑

○廣按此方治熱風燥三者之總劑也凡熱風燥之為病必於此而取之焉何以言之風本於熱熱極則風生燥生於風風動則燥至是熱風燥三者其寔一源流也故此一方而能兼治之觀其用防風麻黃薄荷荊芥使熱邪從玄府出也用梔子滑石使熱邪從小便出也用大黃樸硝使熱邪從大便出也其餘黃芩散肺火連翹散心火石膏散胃火芍藥散脾火川芎當歸和血潤燥白朮甘草補脾和中桔梗開膈

並無一味辛香燥熱之藥可謂善於處方矣故於熱風燥三者之証百發百中無施而不可非聖於醫者其能是歟

愈風丹 瑞竹堂方 治諸般風証偏正頭痛

防風通聖散 四物湯 黃連解毒湯各二料

加菴活 何首烏 細辛 菊花 天麻 獨活 薄荷各一兩

右為末煉蜜為丸如彈子大每服一丸細嚼茶清下不拘時

荊黃湯和劑方治風熱結滯或生瘡癩

荊芥 四兩 大黃 二兩

右咬咀每服五錢水一鍾煎至六分空心服